



Broj: 01/3-50-1-3-6/07
Sarajevo, 22. maja 2007. godine

Z A P I S N I K
6. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 22. maja 2007. godine

Sjednica je počela u 17 sati.

Sjednicom je predsjedavala Snježana Rajilić, predsjedavajuća Komisije.

Sjednici su prisustvovali: Jerko Ivanković Lijanović, Mehmed Suljkanović, Ekrem Ajanović, Jozo Križanović, Šemsudin Mehmedović, Slavko Jovičić, Salko Sokolović i Jovan Hadži Mitrović, članovi Komisije.

Salko Sokolović je, na 8. sjednici Predstavničkog doma, održanoj 26. aprila 2007. godine, na prijedlog kluba poslanika, izabran za člana Komisije umjesto Edina Mušića.

Sjednici su prisustvovali: Sabrija Šerifović, pomoćnik ministra vanjske trgovine i ekonomskih odnosa BiH, Savo Marjanac, direktor Sektora za asocijativno organiziranje članova u Vanjskotrgovinskoj komori BiH, i Emira Češljarić, sekretar Komisije.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje Zapisnika 5. sjednice Komisije za vanjsku trgovinu i carine,
2. Usvajanje Zapisnika s Okruglog stola, održanog 13. marta 2007., s Prijedlogom zaključaka,
3. Razmatranje Pregleda ostvarene vanjskotrgovinske razmjene za BiH za period od januara do marta 2006./2007. godine,
4. Tekuća pitanja:
 - a) upoznavanje članova Komisije o posjeti delegacije Komisije 9. maja 2007. godine Odboru za gospodarstvo, razvoj i obnovu i Odboru za poljoprivredu i šumarstvo Sabora Republike Hrvatske,
 - b) Izvještaj o posjeti člana Komisije Informativnom seminaru u Briselu 19. i 20. aprila 2007. godine o Centralnoevropskom sporazumu o slobodnoj trgovini – CEFTA 2006,
 - c) Usvajanje Zapisnika sa sastanka predstavnika udruženja poljoprivrednika, održanog 11. aprila 2007. u Sarajevu.

Ad-1.

Zapisnik 5. sjednice Komisije usvojen je jednoglasno, bez primjedbi.

Ad-2.

Zapisnik s Okruglog stola, održanog 13. marta 2007., s Prijedlogom zaključaka, podijeljen je na sjednici članovima Komisije.

Zapisnik je usvojen jednoglasno, bez primjedbi.

Što se tiče prijedloga teksta zaključaka, **Sabrija Šerifović** dao je pojašnjenje u vezi s tačkom 6. koja se odnosi na antidampig cijene proizvoda i rekao da je ova materija sadržana u odredbama Sporazuma te da postoje odredbe o antidamping mjerama. Pitanje je procedura kako dokazati da roba ulazi po antidamping cijeni.

Za izmjene CEFTA-e mora postojati konsenzus svih osam zemalja potpisnica. Odlukom Vijeća ministara BiH intervenira se u slučaju prekomjernog uvoza u pravcu zaštite domaće proizvodnje u skladu s pravilima WTO-a. Mišljenja je da bi u okviru Sektora MVTEO trebalo osnovati Odjel za istrage i zaštitu koji bi imao 4-5 zaposlenih koji bi radili u oblasti dampainga. Na osnovu izloženog, predložio je da se tačka 6. briše.

U diskusiji su učestvovali **Šemsudin Mehmedović** i **Ekrem Ajanović**. Mišljenja su da ne treba brisati formulaciju tačke 6., jer pokušaj reguliranja dampainga cijena kroz aneks može ići u prilog stranama potpisnicama Sporazuma.

Jerko Ivanković Lijanović predložio je usvajanje zaključka Komisije da se održi posebna tematska sjednica o Sporazumu.

Savo Marjanac, iz VTKBiH, predložio je da se tačka 6. preformulira i glasi: "da se iskoristi maksimalna mogućnost Sporazuma u stimulaciji domaće proizvodnje"

Sabrija Šerifović obećao je dostaviti brošuru o CEFTA-i i predložio u organizaciji MVTEO i VTKBiH održati seminare.

Slavko Jovičić smatra da za stimulaciju domaće proizvodnje treba naći modalitete i utvrditi strategiju. Najoptimalnije rješenje antidampainga je da se ne remete odredbe Sporazuma.

Jozo Križanović predložio je da se usvajanje zaključaka odgodi za narednu sjednicu te da se tačka 4. može uvrstiti kao rezolucija, a zaključkom Doma obavezati Vijeće ministara BiH o preduzimanju mjera.

Sugerirano je da se ubuduće u kontekstu umjesto riječi: "zaštita domaće proizvodnje" koristi riječi: podsticaj (stimulacija) domaće proizvodnje".

Na prijedlog **Snježane Rajilić**, Komisija je jednoglasno usvojila sljedeće **zaključke**:

1. da se zaduži Vijeće ministara BiH za realizaciju Prijedloga zaključaka;
2. iza tačke 9. Prijedloga zaključaka dodaje se zaključak 10. koji glasi: „Realizaciju Prijedloga zaključaka treba pratiti do 31. decembra 2007. godine.“

Ad-3.

Razmatranje Pregleda ostvarene vanjskotrgovinske razmjene za BiH za period od januara do marta 2006./2007. godine

Uvodne napomene o materijalu dao je **Savo Marjanac** i rekao da je struktura izvoza, stepen obrade izvoza veoma nizak; da ne uvozimo robe iz zemalja porijekla, nego putem posrednika i da je privreda u nepovoljnom položaju. Dalje je istakao da su prelevmani otišli za socijalne potrebe, nisu korišteni za poboljšanje strukture proizvoda. Ima mnogo problema u materijalnom kompleksu jer ne saraduju firme unutar BiH. Privreda je konkurentski nesposobnija od privrede zemalja iz okruženja.

Sabrija Šerifović je, uz isticanje pokazatelja pokrivenosti izvoza uvozom 2005. i 2006., rekao da u prvom kvartalu 2006. u odnosu na prva četiri mjeseca 2007. deficit iznosi 2 milijarde KM. Istakao je da se Zakonom o carinskoj tarifi BiH krenulo s niskom carinskom zaštitom 1999.-2000., da se izvoz stalno povećava; nema zatvaranja tržišta imaju zaštitne mjere za smanjenje trgovinskog deficita i da je MVTEO za sjednicu Vijeća ministara BiH 29.5.2007. pripremio Prijedlog mjera za povećanje izvoza i smanjenje trgovinskog deficita koje će biti dostavljene i Parlamentarnoj skupštini BiH.

U raspravi su učestvovali Jerko Ivanković Lijanović i Šemsudin Mehmedović. **Jerko Ivanković** rekao je da pored velikog deficita prodajemo sirovine i da postoje mehanizmi da ne uradimo dogovor o slobodnoj trgovini. **Šemsudin Mehmedović** predložio je da se na narednoj sjednici Komisije razmotri prijedlog mjera za smanjenje vanjskotrgovinskog deficita.

Imajući u vidu alarmantnu situaciju vanjskotrgovinskog deficita Bosne i Hercegovine i saznanje da Vijeće ministara BiH već priprema prijedlog mjera za smanjenje trgovinskog deficita i povećanje izvoza, **Komisija je zaključila** da se obrati predsjedavajućem Vijeća ministara BiH i ministru vanjske trgovine i ekonomskih odnosa BiH s molbom za sastanak.

Razgovor bi tekao u pravcu razmjene mišljenja i pružanja pomoći u pripremi konačnog prijedloga zaključaka Komisije Predstavničkom domu, sa rasprave vođene na Okruglom stolu. Potrebno je predložiti tri termina za održavanje radnog sastanka: **1., 8. ili 11. juni 2007. godine**, kojem bi prisustvovali: Snježana Rajilić, Mehmed Suljkanović, Jerko Ivanković Lijanović, Šemsudin Mehmedović i Jozo Križanović.

4. Tekuća pitanja:

- a) upoznavanje članova Komisije o posjeti delegacije Komisije 9. maja 2007. godine Odboru za gospodarstvo, razvoj i obnovu i Odboru za poljoprivredu i šumarstvo Sabora Republike Hrvatske

Komisija je prihvatila Izvještaj o navedenoj posjeti i zaključila da se Kolegij Predstavničkog doma obavijesti o razlozima i cilju posjete odborima Sabora Republike Hrvatske. Nakon dobivanja Zapisnika s održanog sastanka iz Sabora Republike Hrvatske, Komisija će ponovo izvijestiti Kolegij Predstavničkog doma.

- b) Izvještaj o posjeti člana Komisije Informativnom seminaru u Briselu 19. i 20. aprila 2007. godine o Centralnoevropskom sporazumu o slobodnoj trgovini – CEFTA 2006.

Komisija je prihvatila Izvještaj o navedenoj posjeti i zaključila da ga dostavi Kolegiju Doma.

c) Usvajanje Zapisnika sa sastanka predstavnika udruženja poljoprivrednika, održanog 11. aprila 2007. u Sarajevu

Zapisnik s navedenog sastanka podijeljen je članovima Komisije na sjednici. Komisija je usvojila Zapisnik sa sastanka i zaključila da se dostavi predsjednicima navedenih udruženja skupa sa Sporazumom CEFTA-e.

U okviru ove tačke dnevnog reda a u vezi s posjetom delegacije Komisije, 6. juna 2007. godine, Skupštini Republike Makedonije umjesto Mehmeda Suljkanovića, koji u istom terminu kao član stalne delegacije Parlamentarne skupštine BiH u CEI putuje u Minsk, predložen je Salko Sokolović.

Predsjedavajuća Komisije Snježana Rajilić upoznala je članove s dopisom predsjednika Udruženja poljoprivrednika u BiH od 22. maja 2007., u vezi s neaktivnošću Radne grupe osnovane zaključkom 4. sjednice Komisije za poljoprivredu i dopisom Udruženja proizvođača i prerađivača mesa u BiH od 15.5. 2007. upućenog resornom ministarstvu u vezi s vancarinskim mjerama zabrane izvoza u Srbiju. Članovi Komisije primili su k znanju sadržaje dopisa navedenih udruženja.

Sjednica je završena u 18.30 sati.

Sekretar Komisije
Emira Češljar

Predsjedavajuća Komisije
Snježana Rajilić